

PROJEK 1

HOE OM 'N DRIEPUNT-MUURPROP TE VERVANG

JY BENODIG

driepunt-muurprop,
skerp mes en skroewedraaiers



STAP 1

Verwyder sowat 25 mm van die koord se plastiekomhulsels met 'n mes. Maak 'n sny van sowat 1 mm diep in die omhulsels, maar moenie deur die gekleurde isolasiemateriaal om die drie koperdraadjies sny nie.

STAP 2

Verwyder 6 mm van die gekleurde isolasiemateriaal om elk van die drie koperdraade en rol dan die koperdraadjies tussen jou vingers om hulle mooi saam te druk.



Bekers R29 elk, servette R17 elk, Breville-ketel R490, alles @home. Essentials-lepels R89,95 vir ses, wit porseleinborde R35 elk, alles Woolworths. Blik R229, Loads of Living.

STAP 3

Draai die skroefies op elk van die koperpunte van die prop losser. Steek die geel-en-groen draad in die gaatjie in die koperpunt heel bo in die driehoek. Dis gewoonlik met 'n E vir Earth (aarddraad) gemerk. Draai die skroefie vas sodat die draad stewig sit. Steek die bruin draad in die onderste punt wat met 'n L vir Lewend gemerk is en draai die skroefie stywer. Steek die blou draad in die laaste koperpunt wat met 'n N vir Neutraal gemerk is. Druk die koord deur die twee wit klampies voor jy die deksel opsit en dit vasskroef.

Onthou

Blou = neutraal (N)

Bruin = lewend (L)

Geel-en-groen = Aard (Earth)

